



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1862

LXXX. Ablassbrief eines Bischofes Johann für das Kloster Hillersleben und
für die Capelle zu Dornstedt, vom 4. Mai 1448.

Nutzungsbedingungen

[urn:nbn:de:hbz:466:1-55716](https://nbn-resolving.org/urn:nbn:de:hbz:466:1-55716)

LXXX. Ablassbrief eines Bischofes Johann für das Kloster Hiltersleben und für die Capelle zu Dornstedt, vom 4. Mai 1448.

Nos frater Johannes, miseracione diuina Episcopus Buduwanensis, publice recognoscimus per presentes, quod venerabilium et religiosorum dominorum Johannis Abbatis et Conuentus in hildesleue deuocionibus benigne annuentes Omnibus et singulis utriusque sexus hominibus ad monasterium in hildesleue, Ordinis sancti Benedicti, in festiuitatibus Sancti trinitatis et beati laurencii martiris ac per octauas earundem et in festo assumptionis sancte marie ad capellam in dornstede, in honore sancte marie nouiter erectam, et ad dictos dominum abbatem et conuentum pertinentem, eciam per totam octauam eiusdem festi sancte marie ex deuocione et propter reliquiarum ostensionem ibidem confluentibus ac confessis et contritis, elemofynas pro conseruacione, reparacione et emendacione edificiorum ibidem porrigentibus, Quadraginta dies indulgenciarum et vnam karenam de iniunctis eis penitenciis in domino auctoritate nostra relaxamus. In cuius rei testimonium sigillum nostrum presentis est appensum. Datum anno domini M. CCCC. XLVIII.º, Sabato post dominicam vocem iocunditatis.

Cop. II, fol. 31.

LXXXI. Ablassbrief eines Bischofes Heinrich für den Besuch derselben Orte, vom 4. Mai 1448.

Nos frater hinricus, miseracione diuina Episcopus Czamostensis, publice recognoscimus per presentes, Quod deuocionibus venerabilis nobis In Cristo dilecti domini Johannis abbatis in hildesleue, halberstadenensis diocesis, ac tocius Conuentus seu monasterii de ordine beati benedicti benigne annuentes, Capellam beate marie uirginis, in dornste, eiusdem halberstadenensis diocesis, nouiter erectam, vbi Cristi fidelium multitudo ex speciali deuocione et (ad?) domini seruorum sanctorum reliquias ibidem reconditas confluere confueuit, ut eciam in festiuitate beate marie assumptionis et per totam octauam eiusdem, dum illic de prefato monasterio seruantur Staciones et conuisiones reliquiarum, ab eodem monasterio apportandarum, homines utriusque sexus in domino gracia indulgenciarum concreuerunt decorare, et ut populus ad continuacionem deuocionis huiusmodi magis feruere censeatur, omnibus et singulis dictam capellam, per nos, dum in vicariatu quodam pie recordacionis johannis, Episcopi halberstadenensis eramus constituti, consecratam, in dicto festo assumptionis et per ipsius octauam deuote frequentantibus et ad conseruacionum edificiorum dicte capelle manus largos exhibentibus et cimiterium cum oracionibus circumeuntibus vere confessis et contritis de qualibet particula reliquiarum predictarum Quadraginta dies indulgenciarum et vnam karenam auctoritate nostra indulgemus. In cuius rei testimonium sigillum nostrum presentibus est appensum. Datum anno domini M. CCCC. XLVIII.º, Sabato post dominicam Vocem Jocunditatis.

Cop. II, fol. 31.